

Na osnovu člana 4.8. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11), i čl. 6. i 7. Pravilnika o tarifnom postupku (“Službeni glasnik BiH”, broj 44/05), na sjednici Državne regulatorne komisije za električnu energiju održanoj 26. januara 2012. godine, donijeta je

ODLUKA O IZMJENI ODLUKE O ODREĐIVANJU TARIFA ZA POMOĆNE USLUGE

Član 1.

U Odluci o određivanju tarifa za pomoćne usluge (“Službeni glasnik BiH”, broj 104/11), član 8. stav (1) mijenja se i glasi:

“Određuje se tarifa pomoćne usluge za pokrivanje gubitaka na prijenosnoj mreži u iznosu od 9,12 feninga/kWh, kao najviša prosječna proizvodna cijena koju pojedinačno imaju tri balansno odgovorne strane”.

Član 2.

Ova odluka stupa na snagu danom donošenja, primjenjuje se od 1. februara 2012. godine i bit će objavljena u “Službenom glasniku BiH” i službenim glasilima entiteta i Brčko Distrikta Bosne i Hercegovine.

Obrazloženje

Analiza efekata funkcioniranja postojećeg koncepta pružanja pomoćnih usluga u elektroenergetskom sistemu Bosne i Hercegovine, ukazala je da balansno odgovorne strane ne izvršavaju u potpunosti svoje obaveze pokrivanja gubitaka na mreži prijenosa koje uzrokuju potrošači sa njihovog konzumnog područja. Ovakva praksa konstantno stvara razlike u energetske pozicijama balansno odgovornih strana onemogućavajući pravičan raspored energije za pokrivanje gubitaka između balansno odgovornih strana odnosno njihovih finansijskih obaveza po ovom osnovu.

S obzirom da se radi o značajnijim razlikama između realizirane energije i obaveza pokrivanja gubitaka balansno odgovornih strana i uočivši da odstupanjima pojedinih balansno odgovornih strana u određenoj mjeri pogoduje i visina važeće tarife, DERK se odlučio da je izmjenom Odluke o određivanju tarifa za pomoćne usluge korigira.

DERK smatra da će ova izmjena doprinijeti smanjenju iznosa za angažiranu i obračunatu pomoćnu uslugu pokrića gubitaka električne energije na prijenosnoj mreži i njihovom pravednijem obračunu između balansno odgovornih strana, istovremeno odvrćući korisnike sistema od mogućih manipulacija i nedozvoljenih ponašanja.

Broj: 04-28-5-321-44/11

26. januara 2012. godine

Tuzla

Predsjedavajući Komisije

Nikola Pejić